

الله والحرية

بقلم رضوان أبو فيصل

ببيتنا، بالضبعة فوق، ببعيش معنا اتنين:

الله والحرية.

الله: لأنو ببيتنا فوق بعد في محبة.

والله بيحب التمشايي بساحات الضيع اللي بتطلع فيا الشمس عالخير والبركة والمحبة. ويا

ضيعان شرقة الشمس عالساحات الفاضيه !!

وبيحب يَكْنُكُنْ ويدفا بزوايا بيتنا، حدّ الموقدي، ويشبع من غلة الخوابي: زيت وعسل، ومن

تحويشة الحفافي جوز ولوز وزبيب.

الله، متلي بيحب الإلفة.

والحرية، بتعيش معنا فوق.

لأنو بعدو الجبل عنا، بيسمح للشمس العم تشرق، تتعمشق ع كتافو.

وبعدو القرميد بيضحك من كل قلبو، للسنونو البتغل بصدرو فرح.

وبعدو جرس الكنيسة بيدق، مثل ما بدو، من غير ما ينظر مين بدو يجي، بيكفي ختيار

وختياره ومسبحا نضيفه.

الحرية، بتعيش معنا فوق،

لأنو، بعد في ديك بيوعيا الصبح مثل ما بيوعيا الفلاحين ت يقومو ع شغلن، وبتروح هيبي

معن مثل "قبعة الخبز" والزيتون بالزوادي.

الله والحرية، البيعيشو معنا، فوق، خلونا قوايا، وخلو بيتنا صامد. وت اقدر احكي عن

الوطن بالمرآ الجايي، لازم الوطن يرجع يقعد بالضيعا ويلبس جزمي سميكي تحفتر الأرض.

٢٠٠٣/١/٢٥